

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
KANTONALNO TUŽILAŠTVO/KANTONALNO TUŽITELJSTVO
TRAVNIK

Broj: T06 0 KT 0036408 24

Datum: 25.02.2025.godine

OPĆINSKOM SUDU U TRAVNIKU

-Sudiji za prethodno saslušanje-

Na temelju odredbe člana 45 st. 2 tačka i) i člana 241 st. 1 Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 03.03.2025.godine

Protiv:

E. I.

Što je:

Dana 15.09.2024.godine oko 15,45 sati na magistralnoj cesti M-5 Travnik –Donji Vakuf u mjestu Turbe u Travniku, općina Travnik, u naseljenom mjestu, upravljajući sa pmv Opel Astra reg. oznaka O21-T-916 vlasništvo A. K., u kojem vozilu su se kao putnici nalazili E. J., H. K. i A. K., protivno odredbi člana 43. stav 1. Zakona o osnovama sigurnosti prometa na putevima u Bosni i Hercegovini, vozio neprilagođenom brzinom od 58km/h, a koju brzinu vozila nije prilagodio uslovima sigurne vožnje, s obzirom da se radi o kolovozu koji je bio vlažan i klizav i da se radi o dijelu ceste sa više uzastopnih krivina, gdje bi prema takvim uslovima prilagođena brzina vožnje iznosila 50 km/h , svjestan da vozeći na takav način može ugroziti javni promet i dovesti u opasnost život ljudi i da uslijed toga može nastupiti zabranjena posljedica ali je olako držao da ista neće nastupiti ili da će je moći spriječiti, kojom prilikom je izgubio kontrolu nad vozilom što je za posljedicu imalo skretanje vozila izvan kolovoza u desnu stranu, te udar lijeve bočne strane vozila u betonski stub pored kolovoza pri čemu je oštećena H. K. kao putnik zadobila teške tjelesne povrede u vidu prijelom ključne kosti, te nagnječenje sa krvnim podljevom u području lijeve čeone regije i lijeve jagodične regije i nagnječenje lijeve strane grudnog koša.

Dakle, kao učesnik u prometu na putevima nije se pridržavao saobraćajnih propisa i tako ugrozio javni promet da je doveo u opasnost život ljudi i time prouzrokovao nastupanje teške tjelesne povrede kod jedne osobe.

Čime je počinio krivično djelo „Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ F BiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.